

MOUN OUSTAU

Vole que moun oustau sente la ferigoulo
E touti lis oudour qu'escampo lou matin
Dins li pinedo ombrouso e dins lis aubespín
Quand lou vènt frescoulet fai frèmi li piboulo.

De la cousino ounte lou goust fort de l'aïet
S'afeblo en lou trissant emé l'ouchun de l'òli
Vèn aflata moun nas la sentour de l'aïòli,
E pèr moumen la de la mento e dóu lausié,

Dins la croto founsudo e d'uno frescour sano
Un alèn enchusclant d'aigardènt e de mous
S'escampiho à l'entour d'un barriòu de vin dous
Quie lou baile avisa mes dins de damo jano.

Lou gardo-raubo sènt la lavando e l'espí
Qu'an semena pertout dins li linçòu de telo,
E, dóu balcon estré flouri de çabridello,
Davalòu lou perfum d'un plant de baseli.

Li rasin, nègre o blanc, pendoula sus de barro,
Se passarihon dins l'escur dóu mié-granié
Ount li figo, sus de ciéurcle de castanié
Secon, ras d'un bourrèn cubert d'amelo amaro.

Sus ma tauolo, à coustat d'un meloun ben madur,
Poumo d'amour, pebroun, tapeno, anchoïo, óulivo,
Tras que goustous, mesclant si coulouracioun vivo,
Van faire une ensalado flamo emé d'iòu dur.

Tout vèn dóu miéu, de moun jardin, de ma coustiero.
Lou fenoul qu'an bourra lou ventre dóu pèis fin,
Tout, tout, jusqu'au lebraut nourri dóu roumarin
Qu'aièr encaro rousigavo sus mi terro,

Tout vén d'ou miéu, meme li moble d'ancian tèms ;
Lou méu que m'en regale es lou de mis abiho,
Lou vin que m'en abéure es lou vin de ma triho,
E n'ai proun em'acò pèr m'atrouva countènt.

Per qué dins moun oustau sente la ferigoulo
E touti lis oudour qu'escampo lou matin
Dins li pinedo ombrouso e dins lis aubespín,
Ouand lou vènt risoulet danso si farandoulo.

Ais-Li Fia'oun, Avoust 1951.

A. MABELLY.